

ادبیات عمری و سیاسی

هفته‌لق سیاسی ، ادبی ، علمی غزته‌در

جلد : ۴

سنه : ۲ ۴ شوال ۱۳۳۶ جمعه ایرتسی ۱۳ تموز ۱۹۱۸ نومرو — ۷۶

روز کارلر نه‌لر سویلیور ؟...

اوصباح بهارک ایلک و فیاض بر کونیدی. یوزیمی خفیف و رایحه‌دار بر قاناد او قشادی. صوردم: — بزه نسیم بهار ، نفخه جنت دیرلر. — دیدیلر — بیاض و یوموشاق قانادلریمزله باغلردن، کلستانلردن کچدک. تازه یاپراقلرک ، رنگین چیچکارک یوزلرینی اوپدک. ایرماقلرک اوزرندە نقشلر ایشله‌دک ، بغچه‌لرده اوینایان ملک چوجقلرک آلتین صاچلرینی داغتدق ، معاشقلرک معانقه‌لرینی دیکله‌دک ، قیرلانغیچلرک ، سرچه‌لرک قنادلرینی او قشادق . شمیدی کونشک جانلی حرارت و ضیاسنی تجیل ایدیورز... بو آقشام ، بیاض تول لباسلی قیزلریمزدن برموبک حسن و طراوت آی ایشیغنده رقص ایده‌جکلر.. روحمزه ایلک بهارله جانلانان بوتون کوزل شیلرک خلاصه‌سی وار : تبسم ، رایحه ، رنگ ، نشاط ، آهنگ ، ضیا ، وسودا طاشیورز

— بونلری نره‌لره کوتورییورسکیز ؟ .. — دیدم — ایصسز و رنگسز دیارلره دییه جواب ویره‌رک غائب اولدولر .

اوکله‌دن صوکرانیا نیک هرشکلنده آلولی بر رنگ حیرت واردی . سما حمالی بر رکودتله طوتوشیور. جلدیم قطره قطره ارییوردی . کونشک قیرمزی وحید جهره‌سنه

پنبه وصاری فیستانلی پریشان و آلتین صاچلی قیزلر کوچوک آووجلریله رنکسز بر توز
سرپرلرکن ساحلدن ایلیق برمتم صیریلدی . آغاچلرک آلتنه سرین کولکلر سهریلدی ،
ذیروخلر بوسرین هوایی ایچیورلر . جانسز و ساکت یپراقلر حرکت ایدیورلردی .
ساحلدن برسلسبیل نغمات سوزیلیرکن : — برلظه داها دوریکز — دییه باغیردم .
اونلر عجول — خایر — دیدیلر . طاغ اتکلرنده خرمانلرینی بکلهین چفتجیلرک یانیق و متوکل
آلنلرینی اوپه جکز ، ییلدیزلره قارشى قواللریله روحلرینی سویلهین چوبانلره راحت ورؤیالی
براووقو کوتوره جکز ، صباحدن بری جیویلدانلر قوشلرک شن یووالرینی زیارت ایده جکز ،
طبیعتک آهنگلریله مست اولان شاعرلره فیض الهام کوتوره جکز ، کنج سودالیلرک
عشقارینی تسعید ایده جکز .. ایشیمر چوق ! .. دیدیلر . مهتابک وقور و بیاض چهره سینه
سلام ویره رک اونلرده اوچدیلر .



آغاچلرک قدید داللرینی صارسان خشین و محدود بڑ ایصلقدن صوکر قورو چنلره
صاری و متورم یپراقلر دوکلیوردی . ملول و راطب سمادن برسس کلدی : — کوز
یاشلرینی ایچهن ماتملى بولوطلردن کچهرک ایصسز تپهلره اوغرادق ، مخلوقاتک حیات عصاره .
سنی آمد کد نصکرا مزارلرده سرویلرک آراسنده کی بايقوشلره همدم اولاجغز . مسامتمزده
ورم صولوقلری ، اوکسوز هیچقریقلری ، ثلوم قوقوسی ، ماتم هواسی وار ، روحمزه
غملی سرلر ، الملی افتراقلر ، حزن دار خاطرلر او یوقلایور . قیشک بارد و متهور صرصرلرینی
قارشیلانمغه کیدیورز دیدیلر و سوکود اورماننک کریان و اسرارلی سینه سینه صاقلاندیلر .



جاملری قامچیلایان دونمش یاغمور سیجیملریله تتره یهرک کوزلریمی آچدم ، نهایتسز
برقسوت و کدورت ایچنده اوزانان لیل هراس آلودک متهور سینه سندن برخرخره مخوف
بوکسه لدی : — سیاه هیولالرم ، اژدرلر و جانانوارلرم اویاندی . مهیکل و مهیب طاغلرک
قارلی شاهقه لرندن قوپازق ، آنکین عمانلرک قعر سینا کنده عقور دالغهلر ، دهرین
وقور قونج کردابلر . فیرطنهلر و آفتلر یاپدم ، بی پایان صولرک اوستنده کوپوکلر صاچان

عظمتی برسفینه بی قهرمله زیر وزیر ایتدم ، خرابه لرده فریادلر ، دومانسز باجالرده آنینلر ،
 بوش قله لرده موتائی قهقهه لر ، خراب برجلرده دهاش اولومالر ، قورقولو صایقلامالر
 یاراتدم . آغاچلری دیو اسکلتلرینه بکزه تدم . سمایی رنگ مائمه بویادم ، یووالری طاغیتدم ،
 حرص وحدتم حالا کچمه یور ، یارین صباح دنیا کفنلره بورونوب حیاتدن بستیون محروم
 اولدوغی زمان بوتون بوماتم انکیز سسلری طوپلایوب مطمئن بر جنازه مراسمی یاپاجم
 دیدی .

صوکر ا بوتون دلی و قودورمش معیتله باغیره رق نعره لر آتارق ، وحشی بررقص
 ایدهرک قهار اوغولتیلر ، زهرلی و بوزلو ایصلقلرله دکزلری ، سمالری ، طوپراقلری برهرج
 صرج شامت ایچنده صارصمغه باشلادیلر .

نزهة محی الدین

مطالعه من :

نزهة محی الدین خاتم افندیکنک بوشعر منشورلربی طبیعتک برلوحه بدیمه تصویبری اوله زرق عبناً
 درج ایدیورز . کله لر حادثا جانلی بر رسم ادبی وجوده کتیرمش . عثمانلی خاتربنک قدرت ابداعه
 بویله بررهان بدیع کویسترن ادبیه منری حرمتله تبریک ایدرز .

تقلید سیف

هر مملکتده حکمدارانک جلوسی مناسبتیه برچوق مراسم یاپیلیر ، و بومراسمده دائماً مملکتک
 طادات و عنعنه سی دائره سنده اجرا ایدیلیر . ایشته بزده کی طادات مستحسنه دن بری ده پادشاهان عظام
 جضراتینک بعدالجلوس قایم قوشاعملری و بونی مراسم مخصوصه ایله اجرا ایتلیدر .

محرر مدقق احمد راسم بک « عثمانلی تاریخی » نک « ۴ هـ » محی (فائده) سنده بوکا مبدأ اولوق
 اوزره شو معلوماتی وریور :